

王黃州小畜集

七



王黃州小畜集卷第二十三

表



賀冊尊號表 已下皆代趙侍中作

謝降御札表

賀雨表

賀雪表

賀罷謁廟大禮表

賀御樓肆赦表

慰公主薨表

乞歸私第養疾表

為乾明節不任拜起陳情表

六十一集卷二十三

徐世昌

乞差官通攝謁廟大禮使表

求致仕表 四首

讓西京留守表 四首

謝降御札并宰臣就第傳宣不允陳讓留守

乞候病愈日赴任表

謝許肩輿入內表

謝宣差長男送赴西京表

謝宣旨令次男西京侍疾表

賀冊尊號表 已下皆代趙侍中作

臣某言伏奉去年十二月二十四日批荅允百寮所上尊號內四字今年正月一日御朝元殿受冊禮畢者日新盛

德護茂實而不居天啓群心上尊名而得請專光簡冊慶  
洽華夷中謝伏惟

尊號皇帝陛下受天靈符作民司牧元元本本咸臻富貴壽  
之鄉戰戰兢兢未減焦勞之念一昨特頒鳳詔盡省鴻名  
謙申之道彌光推戴之心安仰百辟請仍於舊冊睿眷不  
迴三章別上於新名宸聰見納尚以為法天之義可以體剛  
健而奉高明崇道之名可以守虛無而務清淨見帝白王之  
自下却文武之大功俯順萬邦作程百代粵茲元日誕受  
徽章冊鏤乾文愈見流謙之道禮成帝錄更隆卜世之基  
臣推列上合得觀盛事伏限未任拜起不獲稱慶朝堂

謝降御札表

王雲切

臣某言今月二十二日夜伏蒙聖慈特降御札云云者驕  
阻作沴乃相臣調燮之憊乙夜飛文見聖主焦勞之旨引  
過咎以歸已教刑政以留心捧讀驚慙不遑啓處中謝伏惟  
尊號皇帝陛下為民父母受天聰明覃恩而已滅祚星轉  
禍而尚憂時雨側身修行自符雲漢之詩盱食宵夜莫有  
華胥之夢特形宸翰備見天心恨不自作犧牲何止靡愛  
珪璧諒至誠之所感致甘澤以非遙臣備位台司親承睿  
旨若歲大旱多慙傳說之才謂天蓋高必聽湯王之禱未  
蒙冊免尤愧搢紳而又誨以政刑敢不勤于夙夜少助憂  
心之意庶成澍雨之期伏限脚膝未痊不獲拜謝闕庭

賀雨表

臣某言伏觀今日日甘雨大降宰臣呂某等便殿稱賀者自秋以來時雨不降遇災而懼至誠爰禱於上玄有感則通甘澤忽霑於下土豐登有望朝野同懽中謝伏惟

尊號皇帝陛下七政咸濟五行爲質夤畏昊穹之命焦勞刑政之源一昨祇誓告災豐年失望宿麥播而未茁旱雲垂而不霑陛下靡愛斯牲徧走群望降廷臣而決獄御便殿以錄囚御筆摘文乙夜引萬方之罪清詞瀝懇經旬祈五福之宮惟德動天而天不違至誠感神而神授職向夕而月離于畢崇朝而雲上于天散絲徧灑於焦枯比屋重興於耒耜豈止小康之兆將書大有之年堯眉舒八彩之輝免貽臣辱舜樂復九成之韻大悅民心凡在含生同知大賚臣爲霖寡術和鼎備負方期冊免之文以塞變調之咎處台司而愈愧荷聖感以彌深伏限未任拜起不獲稱慶朝堂

賀雪表

臣某言伏觀今日日臘雪應時宰臣呂某等便殿稱賀者伏以臘者四時之暮所以成歲功雪者五穀之精所以滋農畝實上玄之垂祐表聖主之憂民凡在昌朝共欣嘉瑞中謝伏惟

尊號皇帝陛下勤勞庶政欽順天時因百姓以爲心思躋壽域慮一夫之不獲常若納隍而自秋徂冬密雲不雨陛下念兆民之稼穡憂七廟之深米盛徹金石於堯軒減葷

霽  
糴於舜甑而又京師之內鰥寡之徒大頒金帛之資用拯  
飢寒之累靡神不舉有感則通遂令六出之祥大副三農  
之望連宵委積徧野云濡彰聖德以彌光書有年而無愧  
臣方居假告忽覩休祥雖慙調燮之功但樂豐登之望

賀罷謁廟大禮表

臣某言伏覩御札示諭内外文武百寮以慧孛之祆特罷  
八月二十四日謁廟大禮仍擇日御丹鳳樓肆赦者清廟陳  
儀玄穹示誠引萬方之罪皆在聖躬退三舍之祆佇光帝  
德凡居覆燾盡仰休昭中謝伏惟

尊號皇帝陛下夤畏上玄祗嚴列聖垂象忽呈於恠異惟  
馨罷薦於祖宗灑宸翰以飛文出綸言而引咎仍行赦宥  
用答穹旻九土編毗盡聞哀痛之詔三邊戍卒頓減訶咎  
之聲佇見玄德升聞至誠感應五緯變連珠之狀載耀乾  
文萬邦傾執玉之誠同扶帝業臣以叨輔弼備孰憂勤慙  
非伊呂之致君但仰禹湯之罪已歡呼抃蹈倍萬常情

賀御樓肆赦表

臣某言伏覩今日某日 皇帝御丹鳳樓大赦天下者謫  
見上玄乃降責躬之詔澤流率土仍推作解之恩凡在照  
臨同深慶賴中謝伏惟

尊號皇帝陛下順考古道觀乎天文有年將謝於祖宗玄  
象忽垂於躔次遂停吉禮用慰咎徵慮庶政之闕修欲普  
天而流惠樓開丹鳳大昭引咎之誠竿揭金鷄咸與自新

之路幽明靡間圉圉皆空人心已作於頌聲天道頓迴於和氣佇觀符瑞用咎憂勤臣年在衰殘功虧廢理冊免尚稽於舊典禦災但仰於新恩愧畏兢虞罔知所措

### 慰公主薨表

臣某言今日某日得進奏院狀二十一日某國公主薨者雲愁魯館風咽秦簫膠鸞轡以飈馳慘龍頭而雪泣中謝伏以某國公主自天鍾秀稟聖含華聲詩早詠於肅雍選尚遂從於釐降行舅姑之禮克表人倫宜公侯之家誕彰婦道豈謂瑤臺促召玉樹先摧星沉而婺女難留月晦而常娥不見伏惟

尊號皇帝陛下悲深天性痛極皇枝歎媯汭之逝波空驚長往望沁園之荒土無復歸寧凡在人臣共增悲悼臣限拘留務不獲陳慰闕庭

### 乞歸私第養疾表

臣伏念臣久廢常朝將臨聖節紫宸咫尺難獻壽以捧觴黃閣優閑但備負而調鼎不歸私第實玷公朝是以輒述懇誠形于章奏伏蒙

尊號皇帝陛下曲垂敦諭未賜聽從念疇昔之遭逢存始終之寵遇聖慈雖厚公議難安況廊廟具瞻台衡重務固當夙夜匪懈朝夕論思豈有半年之間殊無一拜之禮外論恐傷於冒寵私心未免於懷憂伏望

皇帝陛下俯察衰殘更容假告庶藥石之有效俟筋骸之

稍康盡瘁匪躬尚更期於綿壽節懸車告老敢輕議於明時  
儻遂允俞不勝懇願

為乾明節不任拜起陳情表

臣伏念臣向嬰羸疾久免起居顧聖節以將臨候天顏而  
尚阻在百辟具瞻之地合長禮容當千官獻壽之時未任  
拜起載循衰朽但積兢憂中伏惟

尊號皇帝陛下甲觀儲祥華封祝聖萬邦玉帛俱傾就日  
之誠五等公侯共樂後天之壽凡居履壽熟不禱祈况臣  
首冠台司曲承天睭曳屨方艱於步武捧觴實阻於懽呼  
有禮則安考格言而是懼無德而祿召厥疾以收宜空存  
善禱之心願恕不良之足筋力為禮雖臨几杖之年股肱  
惟良深愧摺紳之論臣無任

乞差官通攝謁廟大禮使表

臣虔傾丹懇仰達紫宸載三雖黷於聖聰萬一冀迴於天  
睭伏念臣遭逢昌運忝竊台司三十年將相之權周旋備  
位一千載君臣之分終始無渝而自秋夏以來脚膝無力  
免常參於紫殿預大政於黃扉伏遇

尊號皇帝陛下告謝豐登祇嚴宗廟既列三台之首合居  
五使之先顧筋力之不支慮趨踰之失度輒伸悃悃冀免  
遣差豈謂 陛下雖念暮年猶敦後事猥將大禮責在老  
臣加以中使太醫旁午於道路王言御札稠沓於門庭認  
睿旨之丁寧豈自圖於安逸受已行之命焉敢固違在臨



事制儀尚期通攝是敢預陳危懇上禱宸嚴庶於行事之  
晨免致乖儀之咎

### 求致仕第一表

臣某言臣聞知進知退賢達之格言有始有終君臣之大  
義將染乞骸之疏猶馳就日之魂冀仁主之憫嗟遂老臣  
之休退中謝伏念臣比乏宏材且非世胄鄧仲華之素望  
不過功曹岑文本之初心上于縣令偶以遭逢景運攀附  
先皇擢自宿衛蒙君相輔捐軀誓命不後他人任重才輕  
終無成績洎盟津之出將遇代邸之興王駿奔北闕之前  
備位東宮之列臣此際已能知止便拙言終焉豈期

郭攸

謀猷適後 陛下案以趨持均其勞遠連鎮襄鄧暫遠唐  
虞節旄夕竊於寵榮寒暑漸成於衰颯前歲幸遇

陛下躬事上帝親耕千畝之田老臣位忝諸侯合預五推  
之禮請朝天闕尋奉帝俞得伸助祭之誠實有分司之望  
陛下過私天眷復列上台既責重以位高果積憂而成病  
今春始于微恙遂至沉疴 陛下終賜哀憐多方治療痊  
平未幾步履猶艱自茲特免常朝仍司大政無一言以裨  
聖聽無一拜以覲天顏在中書則省吏扶行羞看朝士歸  
私第則鳴騶前導恥見都人已為廢疾之身曷稱具瞻之  
地近因歲暮轉覺形羸雖云告假之中仍列鈞台之上存  
問頻勞於聖慮優容寔玷於公朝况宰臣一月之俸金乃

下位數年之祿食君恩雖厚數有國之彝倫內府雖豐耗  
生靈之膏血苟不思止但冒寵光豈惟辜負聖知直恐招  
延鬼瞰伏望 陛下聽其告老惠以歸全庶于瞑日之前  
少遂安身之計示君恩之有卒使賢路之無妨必也辭榮  
許歸西洛幸而未死獲見東封免令就木之年更取伐檀  
之刺尚慮 陛下過存念舊便斷來章雖犯嚴誅當期必  
遂限以尚艱步武不獲躬拜朝堂謹遣次男六宅使承煦  
詣東上閤門拜表陳乞以聞

第二表

臣某言今日日拜章上閤告老懸車優詔未俞雖增寵遇  
殘年無幾須至哀鳴縱獲戾於違天冀退身而得地 中謝

臣聞葛亮蜀之名相以二十罰而傷神裴度唐之鉅賢始  
四十歲而髮白或成衰促蓋積憂虞况臣非武侯之才能  
無晉公之智略然以遭逢先帝際會聖君塵重位者三十  
年處浮生者七十載雖無功名報國常以畏慎周身衰老  
若茲死亡無日未解弼諧之任頗傷公共之朝但冒寵於  
三台終取笑於千古是以懇求致仕適合舊章

陛下曲存始終過有敦諭聽自天之成命雖沒地以知榮  
其如老病彌加死期非遠况廟堂三人貴極生人尸素萬  
錢罪招陰譴與其速之以斃曷若優之以生伏望

陛下惠以考終致之散地冀延餘息尚見明時感聖主於  
生前從先臣於泉下幽魂無愧朽骨有光區區之誠實望

于此

### 第三表

臣某言臣屢上封章請還朝政繼蒙批荅未賜帝俞七十懸車于禮文而非遠載三則黷考易象以懷憂念老病之日加冀皇慈之見憫中謝臣聞老氏玄言誠于知足箕子洪範福尚考終臣雖至愚竊慕茲義况才非王佐位極人臣出則擁上將軍之鼓旗貴居方面入則佩大丞相之印綬首冠台司三代有贈官諸子居貴仕俸祿錫賚聚之則何啻萬金官爵階勲數之則無非一品日有秩酒月有殮錢奉此一身已踰二紀外不能出奇畫策廓氛祲而偃干戈內不能阜俗安人救惇嫠而躋富壽玷聖朝之公道為

九

夫一

陛下之私人齒髮衰殘形骸病弱此而不退是謂無狀向者祇慧忽生亢陽斯久天怨神怒實為老臣引咎責躬翻勞聖主今幸時雪大降豐年有期多慙燮理之功全賴文明之感陛下復頒詔旨盡去尊名臣則兼八字之功臣處三台之上列當萬乘焦勞之日為一生尸素之人縱免國刑必招陰責臣所以號泣求退朝夕不安者正為此也伏望陛下察由衷之危懇行冊免之時文庶延風燭之年獲盡雲龍之分若一旦溘先朝露尚秉洪鈞則埋骨泉臺幽魂負愧書名國史後嗣何觀瀝懇披肝期于得請

### 第四表

臣某言自今月五日至十四日三上封章懇陳致仕伏奉

十七日批荅不允令斷來章者伸告老之誠實當暮齒拒已行之命合受常刑與其冒寵以招殃不若違天而獲戾中謝臣聞上天之育萬物各使得其時是以春則發生秋則肅殺示有成也明君之馭百官各使得其所是以壯而入仕老而懸車明有終也敢徵斯義以導危誠伏念臣遭疾彌深殘年非永聖主不能載造神醫不能有瘳自料此生必難報國惟當明代早遂退身繼有哀鳴固非飾詐况去年十二月二十三日  
陛下幸臣私第見臣病容以至金口憫嗟重瞳露泣臣此際潛忻得退志在不疑始望一表見俞豈謂三章未允曲刑敦諭過念遭逢雖戀聖明其如病廢臣今日暮途遠居常待終氣羸則藥劑無功手顫則粥杯難把謂出納惟允臣則蹇澁于言詞謂股肱惟良臣又艱難於步履衰殘之狀備對天顏尸祿之愆累煩聖聽實謀歸骨詎敢要君鄙志不移有死而已

讓西京留守表

臣某言自今月五日至十五日四上表章懇求致仕伏覩二十一日內降白麻伏蒙聖恩授臣守本官兼中書令行河南尹兼功德使充西京留守者繼上封章乞歸骸骨未行冊免忽用保釐顧殘年而氣若尸居聽成命而魄疑天奪微軀殞越舉族憂虞中謝臣聞掌王八柄是為生殺之權分務兩都實總居留之地顧惟老朽曷稱崇高伏念臣

出自孤寒本非俊傑久處秉鈞之任止因開國之期常依  
託諸侯三十五未諧釋褐洎遭逢明主六十九尚占台司  
固無經國之謀猷但享通身之富貴上辜聖德果有天殃  
自遭沉痾已踰新歲啓手足而能餘幾日爲股肱而深負  
明時是以泣血濡毫呼天抗表願罷萬錢之俸預營五尺  
之墳盡是哀鳴固非飾詐豈謂 陛下過私天眷復降徽  
章別開荀令之池俾守周公之宅荷君親終始之分近古  
殊無守宮闕宗廟之司非才莫可况臣手不能運足艱于  
行苟聞命以不辭是捨輕而即重前求罷相皆是欺天不  
惟受君子之誅兼恐取樵夫之笑有死而已臣不敢當伏望  
陛下憫念桑榆寢停綸綍放歸私第明告公朝則老臣知  
止之榮歿而不朽

第二表

臣某言今日某日蒙恩授臣某官臣當日上表陳讓伏奉  
批荅未允者留司重任垂死殘年聞命不遑拜章陳讓未  
迴宸眷恐速天殃夙夜以來神魂飛越 中謝 伏念臣去年  
春季即染沉痾今歲正初方求致仕非不眷戀明代蓋憂  
逼近死期述度德量力之心減尸祿素餐之咎所望盡停  
厚俸高謝台司隨太平之老農作皇家之舊相是爲大願  
夫復何求豈期 陛下特委居留仍加官秩改功臣之懿  
號付大尹之劇權雖荷皇恩實乖素望且念臣之富貴天

下共知臣之衰羸 陛下具見肯因休退復取寵榮况西  
都事繁中分邦政留守祿厚十倍宰臣臣若受之是無狀也  
豈止冒榮於當世亦將取笑於後人平生無致主之功臨  
死有要君之罪此臣之所必不為也若以拒違成命冒犯  
嚴誅視死如歸期不奉詔伏望  
陛下存退人之大體割念舊之小慈賜以安車期于就木  
雖死之日猶生之年

### 第三表

臣某言臣自聽宣麻載陳讓表伏奉荅詔令斷來章顧老  
疾之嬰纏荷聖恩之稠沓因辭榮而受祿是冒寵以沽名  
泣血慙魂下違啓處 中謝 伏念臣去年抱病久在中書上

有萬乘聰明下有三臣輔弼臣安則畧勅困則高眠尚多  
虛羸不任來往而况兩京分務百職具存七世之廟其嚴  
萬夫之政斯在既非卧理之地尚增尸祿之尤且三千貫  
之俸金數百家之賦調奪其膏血奉此衰殘雖曰優臣以  
恩乃是速臣之死興言及此苟活何為臣又見前代退人  
自有常禮或以師事之舊或以定策之勲亦不過賜以千  
金與之駟馬而已臣之富貴止是遭逢有位無功既老且  
病放歸私第何負于臣豈煩朝廷過作禮數伏望  
陛下容其告老察以由衷俾諧知足之心盡寢已行之命  
朝退夕死臣無恨焉

### 第四表

臣某言臣伏奉今月某日第三道批荅不許臣陳讓恩命  
令斷來章者上言則是拒命受寵則是要君憂惶失圖進  
退無據中謝伏念臣累陳危懇未動宸衷實慙老病之身  
不稱保釐之任萬端憂懼三表哀鳴

陛下累降綸言兼貽御札且去開國勲舊惟卿一人又云  
願養洛陽事光青史伏讀 聖語泣顧殘骸恨不能追已  
往之年華換已廢之節力奔走上應副天心其餘步履  
艱難言辭蹇澁不求致政是謂貪榮安有始則讓三百貫  
料錢終則受三千貫月俸必若均于庶吏可給數百負分  
于六師可養數千輩或使安民布政或令禦寇備邊割老  
臣之私恩成 陛下之公道亦恐增臣微福減臣餘殃因  
之剩活數年必得載見萬乘若須令赴任不許罷官尸素  
轉多憂勞速死恐無益也適足苦之伏望

陛下思一物失所之言察匹夫不奪之志寢茲成命俾遂  
初心則長往九原免有冒祭之恥更生一日亦蒙載造之  
恩

謝降御札并宰臣就第傳宣不允陳讓留守乞  
候病愈日赴任表

臣某言今月日伏蒙聖慈特降入內小底押班韓守英載  
賜御札當日晚宰臣呂某已下至臣私第奉宣聖旨重疊  
示諭兼再賜批荅不允臣陳讓恩命令斷來章者宰臣諭  
旨中使傳宣宸翰丁寧雖難封執殘骸衰備實不支持若

伏枕堅拒於君恩飛章更煩於聖聽為臣之道實不自安  
稍俟有瘳以膺成命謹當徧求良藥精療沉疴懇願未聞  
憂惶失次

謝許肩輿入內表

臣某言二月日准樞密院劄子奉聖旨許臣過清明節選  
日朝辭仍令乘檐子於崇政殿入見者老病衰羸聖慈憫  
惻察其足疾聽以肩輿實君父之殊私非人臣之常禮昔  
蔡義授經於宣帝則兩吏扶以趨朝裴寂納命於太宗則  
三衛昇之入覲臣無此勲舊有此寵榮自知殺身無以報  
主兢惶涕泗不知所裁

謝宣差長男送赴西京表

臣伏奉宣命差臣長男左羽林軍大將軍承宗送臣赴西  
京者自天有命舉族知榮慰其父子之情益見君臣之分  
伏念臣比慙衰老未遂歸休明君重委於保釐方憂曠位  
長子幸叨於環衛合預常參

陛下輟自班行許隨行李出于聖念實耀私門歧路有光  
室家感泣獨親獨子既有玷於公朝盡孝盡忠豈敢忘於  
家訓永言感遇空極涕淚

謝宣旨令次男西京侍疾表

臣某言今日日樞密院送到宣頭一道付臣次男某令隨  
臣赴任西京侍疾仍不落請受者君親厚遇父子偕行祇  
荷寵榮彌增感泣臣近以將之洛邑入覲堯塔少傾戀闕



之心併寫感恩之抱沐聖君之發問許幼子之侍行不落  
班行仍支俸給...並出特恩想暮齒以知榮顧私  
門而積...  
門而積...  
門而積...

陛下義取天...恩厚...黃髮之衰羸俾彩衣而侍養  
老夫耄矣...何知奉晨昏而兼內職  
唯於忠孝以...不知所措

王黃州小畜集卷第二十三

王黃州小畜集卷第二十四

表

西京謝上表

謝聖惠方表

謝手詔別錄賜生辰國信表

謝傳宣撫問表

為壽寧節不任朝覲奏事狀

奏姪男表

謝賜姪男大理評事表

繳連壽寧節功德疏表

相公諱起復第二表

集卷第二十四

郭取

代王侍郎諱官表

代呂相公諱右僕射表

為宰臣以彗星見求退表

又謝恩表

為兵部尚侍郎謝恩表

為溫侍郎謝除禮部尚書表

為兵部張相公謝官表

為史館李相公讓官表二首

西京謝上表

臣某言伏奉恩制授臣西京留守已於今日到任上訖  
乍遠龍庭初臨龜洛望冕旒而積戀對宮闕以知榮伏念

臣素乏宏才偶逢開國歷兩朝而竊祿叨三入以無功去  
歲因染沉痾懇辭重位抗表上明於致仕出綸復委於留  
司四上讓章願罷已行之命載蒙荅詔未諧往許之誠慮  
堅卧以要君遂力疾而受命此蓋

陛下情深念舊遺孤遺人遂令衰朽之年享此殊常之事  
入則榮提相印冠四輔以調元出則分務神臯守三公而  
在外仍啓荀池之室臣尊居宅之雄增老臣無德之歎實  
近古未行之典臣言非過無與比倫而自感泣朝辭扶力  
上道乍照理臣通運臣年奉列聖之宗臣觀百司之典故  
對兩觀而寧忘臣附三川而更切朝宗臣

太祖之園陵魂銷寸劍掃先臣之墳臣松楸念往追  
思既榮且臣惟臣倒臣不稱臣留臣亦臣奉朝經旁詞屬  
吏卧治上憑於聖化臣醫庶便於臣體臣因無裨補之功但  
感始終之道

謝聖惠方書

臣某言今日日得進奏院狀報十日准御書院劄子奉聖  
旨降太平聖惠方第五十一卷至一百卷并排門目錄一  
卷共五十一冊並用紫綾裝襖黃絹作簽仰進奏院遞到  
西京賜臣者宸眷曲迴上方新製聖惠本露於黎庶天慈  
續賜於老臣欲令病廢之軀再獲康寧之福中謝伏惟

尊號皇帝陛下與世作範視民如傷窮百病之根源選十  
全之方術爰自臣邸逮于紫宸垂十五年成一百卷救疾

病疴瘍之理盡金石草木之情莫不岐伯秦和獻其伎術  
倉公扁鵲奏其方書辨五聲五色之微察九竅九藏之動  
御製別加於序引生靈咸識於指歸笑玄宗廣濟之方一  
何太簡繼黃帝親嘗之理千古同輝頃以模印未全施行  
不廣臣方居黃閣首被鴻恩常恐此生不見全集豈謂  
陛下曲存終始再有頒宣窺天愈覺於高明觀海莫知其  
涯埃惠過反塊之樂功亦起靈之敏進奉謝恩恐自殊於  
方鎮拜章叙感猶騶比於台司更延遲暮之年寔自生成  
之德臣無任感天<sub>一</sub>聖激切屏營之至

謝手詔<sub>一</sub>錄賜生辰國信表

臣某言今日伏蒙聖慈差臣男某官押賜臣生辰者天  
眷迴光私門積耀方勳劬勞之感忽承睿聖之知舉族為  
榮百身何報伏念臣才非兼濟運偶重熙一言無補於宸  
聰三入徒塵於相位向以虛羸<sub>一</sub>疾筋力不支優容猶列  
於上台拜謁不拘於常禮死難塞責方期伏枕以上立早疾  
既有瘳亦合懸車而告老尚戀文明之德冀伸補報之心  
豈謂陛下特記生辰曲迴睿眷衣龍襲六宮之製器分三  
品之珍出鞍馬於內閑分綵繒於天府惟慙老朽不稱鮮  
華無褐無衣益負下民之媿有始有卒空知上聖之恩惟  
思苦口之言以盡致君之節過此以往莫知所為

謝傳宣撫問表

臣某言臣男某押生辰國信至伏蒙聖慈召赴宗政殿面

傳宣示撫問者俯聽聖旨如對天顏涕泣感恩兢惶失次  
伏念臣遭逢有素功業無聞亦嘗潛數昔賢略徼近代劉  
仁軌處保釐之任功著征遼裴晉公兼將相之權勲高伐  
蔡稱爲國老不愧後人臣無此勤勞有此名位未諧休退常  
負憂虞豈意生辰尚關聖念特垂寵錫俾耀衰殘詞臣草  
詔於玉堂已循往例家子授宣於金口事則非常萬死百  
身終難補報無任涕咽感恩之至

爲壽寧節不任朝覲奏事狀

臣伏念沉痾未愈聖節將臨顧筋力以不支望雲天而積  
恨旣乖脩覲莫敢寧居竊以臣自偶昌朝久叨貴仕入則  
位崇於三羊累玷台司出則名冠於諸侯謬塵居守凡關  
慶賀皆令率先而况壽寧嘉辰節名新改當百辟稱觴之  
日是二年伏枕之餘歷夏經秋有增無減莫預懽呼之會  
僅成病廢之身天邊空仰於流虹牀下尚迷於鬪蟻傾堯  
日而雖同葵藿通虞泉而自念桑榆遐瞻北極之光恨無  
迅翼善禱南山之壽但有精誠臣無任祈天祝聖激切憂  
惶之至

奏姪男表

臣前件姪男某早慕通修比求科試旣未精於舉業難輕  
入於文場尋以奏授朝恩補充衙內隨從已經於三任蹉  
跎遂滯於一名况四房昆弟之間唯有此姪念千載君臣  
之分恐失良時儻蒙甄錄之恩粗有公勤之誠干犯宸宸

無任兢惶激切之至

謝賜姪男大理評事表

右臣伏蒙聖慈授臣姪男某大理評事者祇荷寵光不任榮懼伏以法寺美選聖朝好爵凡古選授必擇器能豈期不調之材遽忝起家之命伏念臣姪男某稟訓雖久知書未深但以補署職名侍行蒲鎮既隨踵而有素恐仕進以無階爰因誕聖之辰轉有量材之請伏蒙

尊號皇帝陛下不循常例特降恩賜猶子之官常念老臣之衰暮壽殺身而何能亦在知榮臣無任

繳還壽寧節功清表

右伏以河清一柱鳴千載不與天長地久萬邦傾祝

吳志

聖之心君心既冠於台司慶禮於南極於庶位是以集祗園之開士啓祕藏之真經仰讀靈文不推晝夜鐘梵鏘洋於四水香花煥耀於六街預期靈瑞之星已滿周天之月仗西方之聖教祝南面之至尊庶使星皇帝車與金輪而永固山齊聖壽歷沙劫以長存臣無任

代呂相公辭起復第二表

草土臣某言臣方處哀摧忽聞恩命泣血負罪號天自陳詔旨未從荒迷殆絕中謝伏念臣瘳調無狀侍養乖方於國於家非忠非孝不自殞滅招此鞠凶敢期苦塊之間更被絲綸之命伏蒙

尊號皇帝陛下曲行恩例過念遭逢雖荷寵榮恐傷風教

况古人重及親之祿君子有終身之喪且雖不才粗聞斯義必將負一杯之土封五尺之墳慰泉下之幽魂赴天下之禮固非飾詐乃是常情伏

陛下小知私恩結命俾執通表免令不孝之名有辱員職之地臣無任叩天叩地哀號殞絕之至

王時郎請言表

臣某言今日伏蒙聖慈賜臣官告一通勅牒一道特授臣戶部侍郎兼知政事兼知階勳爵位列貴知悉參曰朝經無成命實懼曠官叩天聞而自責國事帝澤而誠非飾詐中論以念臣等非命世學謝過無辜繼於家門射無功者於科策不請策名之日竊嘗思出眾之期垂

衣方需於時思慮猶六指於常謂未經歷試便一班行不出數年便至近密佐乃聖乃神之主為茲進運之人有何謨猷裨益改化至于斷決幾務無非聖明尸祿居多黜幽有待維聖情未容在物議而可冀聖諒

尊號皇帝陛下振以護身入泰大才在青壇之行慶雖舉釋章佐黃閣之持衡是為非據而中曾勳並進爵邑兼榮苟或不辭豈為虛德且臣力就列有不能則止之言惟器與名有不可假人之議願以日行之命免貽將至之殃伏望

陛下特寢新恩令居舊位靡臣等於養之罪庶無覆餗之虞臣則老在諫垣收於密地永知止足敢有覬覦獲避斯權是為多福

代呂相公讓右僕射表

臣某言今日伏奉制命授臣守尚書右僕射仍改賜功  
臣者平章三事績効無聞師長百僚恩榮不次雖聽已行  
之命實懷非據之憂伏念臣猥以常才驟逢昌運擢第偶  
叨於殊級効官徧歷於清華皆自聖知實無公望頃者入  
叅大政遂正中樞雖堅報主之心且昧化民之術炎涼屢  
換尸素彌多洎免鼎司猶居家宰六卿分職旣首冠於班  
行五日延英但祇奉於朝請省躬知忝沒齒為榮豈意謬  
荷聖恩復登台席避讓不獲兢惶失容自再秉鈞衡遽罹  
寒暑雖身非土木粗欲荅於鴻私而職昧經綸終無裨於  
至化有辜重任罔稱具瞻固合黜自廟堂放歸田里揚于  
著位以勵事君伏蒙  
尊號皇帝陛下曲念遭逢俯存終始特加端揆仍賜功臣  
矜其不逮之心所謂退人以禮然而中臺峻秩右相古官  
若台司無狀之人處會府彌高之位則具僚安仰後代何  
觀伏望

陛下少抑私恩顯從公議特追前詔別授散官庶使好進  
之流詎敢妄動不才之士得以小懲區區懇誠實非飾讓  
于犯宸嚴無任感天荷聖激切

為宰臣以彗星見求退表

臣某言臣聞平章百姓任繫於安危冊免三公必因於災  
異觀上玄之示譴居大位以何顏伏念臣等俱乏宏才濫



司庶政昧變調之至理乖啓沃之嘉謨徒以先帝誤知驟  
加擢用聖君嗣統凶示優容歲月屢更弼諧無咎既失具  
瞻之望果貽覆餗之愆數日以來扶星忽見謀人之國蓋  
皇化之未孚代天之工致乾文之告變此而不責何以致  
君伏惟

尊號皇帝陛下臣等奉先堯心稽古勵克勤之至德推好  
問之虛懷循列聖之至基守而勿失委大臣之政柄用之  
弗疑無一事不臣等無一言不蒙聽納上下之情靡間  
小大之政臣等百官臣等慶於黜陟臣等休祥於蒼昊而星  
緯若此廟臣等如是乃臣等明朕臣等不禱之明驗也伏  
以君臣同體臣等人下若陰陽未和擢士為相乃邦家之令  
典今古之臣等伏

陛下思宗社之遠臣等堂之重任臣等嚴宥博採搢紳  
俯順人心上答天臣等必生民萬用協聖猷克致和平坐銷  
變各臣等不勝鼎足臣等對朝行明降臣等綸放歸田里免玷  
秉鈞之地甘為墜壞之民用此終身實為多幸臣等無任  
叨榮竊竊臣等戰汗待罪之至

又謝恩表

臣等言近以變生乾象罪在日昃司再上封章懇避廊廟伏  
奉批荅未賜允俞中謝竊以休咎之徵繫于政教宰輔之  
任職在變調得人則降祥非人則示譴惟天降鑒若影隨  
形伏念臣等備位三台歷事二聖既不能內安百姓使盡

聞於汙萊又不能外撫四夷俾載橐於弓矢但妨賢路莫  
報國恩遂致和氣未融星文失度易曰又誰咎也語曰于  
汝安乎是以願罷釣衡請求輔弼庶銷天誠克致時雍伏  
蒙 陛下荐降絲綸曲形敦諭雖未加放逐而實不遑寧  
復况避正殿於宸居減太官之常膳引萬方之罪皆在聖  
躬退三舍之祿必迴天意臣等尚容待罪彌積厚顏當主  
憂臣辱之時抱尸祿素餐之過免冠伏聞再三慮黷於天  
聰碎首糜軀萬一冀伸於臣節敢不精求理本廣察物情  
討論國經勤恤人隱議邊防之措置評刑政之弛張庶幾  
上減焦勞旁銷姦孽獲免辱聖知區區之誠實在  
于此臣等無任感天荷聖恩切屏營之至

為兵部尚侍郎謝恩表

臣某言伏奉制書入參朝政拜章陳謝答詔不從兢憂失  
圖龜勉就位伏念臣出于寒素偶玷科名先帝誤知驟加  
擢用聖君嗣統未忍棄遺在臣心而自知聽物論之難處  
豈謂 尊號皇帝陛下特頒綸命俾佐鼎司職在弼諧事  
關理亂自非抱訐謨之業有變通之才上可以啓沃四聰  
下可以贊成三事則何以副搢紳之佇望塞宵旰之虛懷  
是敢具述懇誠願罷光寵 陛下不移前詔終辱大恩再  
三慮黷於天心萬一冀傾於臣節又念兩朝近侍五稔叨  
榮雖覆載之恩終無補報幸犬馬之力未甚衰殘謹當知  
無不為退思補過調四時於玉燭誠愧昔賢誓一命於鴻

三寧忘死地臣無任感天荷恩激切屏營之至

為溫侍郎謝除禮部尚書表

臣某言伏奉聖慈授臣禮部尚書者寵贊鼎司美遷宗伯推恩掩過昔已慙愧以念臣跡平孤平才非秀茂當先朝之踐詐過一陛之敷文自忝科名動踰涯分驟登密勿園効治文雖無有略無成曾清罷歸諫畀出領藩條奔走五年遷移四郡詢公之惠中外不測憂關之心朝昏在望先皇帝召臣刑清俾佐台司未伸致主之誠遠逼上僊之數薄命雖在死地已銷伏遇

尊號皇帝陛下統嗣丕基遵承先旨特遷官秩曲示優容又換炎涼之無裨補引退難輕於去就意恩遂涉於四循一事淺聞兩朝冒寵且從速貶用戒將來伏蒙

陛下曲念遭逢特存終始峻陟六卿之列寵榮三事之權塵茲顯官未塞公議古人所謂進則負天下之望退不失六曹尚書者臣今是也南宮蹶遠北極崇高欲報鴻恩未知死所臣無任

為兵部張相公謝官表

臣某言臣仰遵帝命再踐鼎司無非常之才負天下之望任重德薄以榮為憂中謝伏念臣猥以庸材驟登貴仕前忝三事行將二年憂畏則多輔弼無効罷歸左轄尋改正卿遷移數州奔走萬里屬先朝馱代方泣血於終天洎聖主承桃幸常參而就日甘在散地以終此生豈謂

皇帝陛下過求舊臣曲奉先旨委以萬務冠于三台聖眷則隆物論未允懇疏陳讓宸慈弗俞勉就巖廊若墜淵谷方今皇澤雖廣黔黎未康西北邊防不無屯戍東南土俗亦有災傷當

陛下宵衣旰食之時責微臣富國安人之術將何智略以副倚毗但念生逢聖朝年過知命不敢愛死或期報恩苟捨短以從長庶以勞而補過涕淚兢惕不知所為臣無任為史館李相公讓官表

臣某言伏覩制命授臣守本官平章事監修國史者台輔正名策書重職載循非據曷稱具瞻夙夜以來神魂飛越中謝伏以承天之序王者所以闡鴻猷秉國之鈞宰相所以熙庶績代天理物負重位高苟非英賢必見壅敗伏念臣才非拔俗世乏顯官爰自策名適逢昌運繼箕裘之業位以過于先臣殘臺閣之資身久妨于賢路

太宗皇帝擢參大政莫著微功冒榮則多無狀罷去皇帝陛下初昇望苑慎擇官僚竊賓護之重名佐元良之茂德茂聞輔導空積歲時伏遇

陛下纂嗣皇圖復陪相府送往事居之節但極哀榮庇民尊主之方實無措置聽于物議有玷聖猷豈謂

陛下過念遭逢時加倚注命之為相恐累知人况呂端以黃髮重名退居保傳李至乃青宮同列出守藩維獨臣瑣材當此重任乍聞綸命實駭朝端將何以踐三事之崇高

居兩朝之通顯苟昧知難之旨必貽覆餗之憂伏望  
陛下博採措紳旁求巖穴必有經綸之器出膺宵旰之心  
惟廟堂之任得宜則祖宗之業不墜由衷斯在得請為期  
臣無任

### 第二表

臣某言自承制命尋拜封章未賜允俞不遑啓處中謝伏  
以知人安民謂之聖主度德量力謂之通賢苟冒寵榮必  
乖倚注豈獨失具瞻之望亦恐傷則詰之明伏惟  
皇帝陛下負荷

二聖之基勤求萬機之務必欲化人成俗與古為徒所宜  
擇間傑之才輔文思之德然後內安百姓外撫四夷使社

稷永康揚

太祖太宗之業聖賢相遇成可久可大之功物論人心所  
望若此如臣斗筭小器章句諸生但以遭逢遂居通顯  
先皇帝擢從內署俾贊中樞莫効涓埃空更歲月洎退居  
散地自誓終身豈期際會儲宮列漢皇之四皓殘揚相府  
預虞舜之五臣當

陛下鋪張政教時是微臣傾竭謨猷之日徒有致君之志  
實微經國之才行將二年未立一事久妨賢路又正台司  
時來而身不自知詔下而人應失色伏望

陛下特廻成命別付鉅賢俾伸夔契之材用助唐虞之化  
庶陳力就列遂不能則止之心惟器與名得不可假人之

道言非飾讓情逼知難伏閣拜章期于得請臣無任

王黃州小畜集卷第二十四

小畜集卷二十四

十三

吾研齋補鈔

王黃州小畜集卷第二十五

牋啓

賀皇太子牋

皇太子賀正牋

皇太子賀冬牋

謝除右拾遺直史館啓

謝除左司諫知制誥啓

謝除禮部員外郎知制誥啓

謝除翰林學士啓

謝除刑部郎中知制誥啓

上宰相謝免判吏部南曹啓

小畜集卷

吾研齋補鈔

迴寇密直謝官啓

謝僕射相公求致仕啓

迴司空相公謝官啓

迴孫何謝祕書丞直史館京西轉運副使啓

薦戚綸上翰林學士錢若水啓

迴尹黃裳啓

賀皇太子牋

某言今日日降到赦書一道皇太子殿下光膺冊命正位  
諸宮凡在普天不勝大幸伏以三代舊章百年墜典舉茲  
盛禮允屬昌朝伏惟殿下稟氣塗山誕祥甲觀蘊間平之  
茂德早冠親賢邁啓誦之多才式當儲副既協人神之望

永隆邦國之基某謬忝專城嘗叨內署正衙宣冊陪駕序以無階僻郡効官拜龍樓而尚遠無任抃躍

皇太子賀正牋

某言伏以元正首祚萬物咸新趨北闕以朝天啓東宮而應律伏惟皇太子殿下重輪發彩少海澄波蘊克勤克儉之風著惟孝惟忠之節王畿千里隨木鐸以行春君門九重捧金壘而上壽應時納祐與國同休某權佩魚符遙瞻雞戟無任

皇太子賀冬牋

某言伏以啓運推移日南長至啓東朝而受賀爰舉舊章指北闕以稱觴率先群后伏惟皇太子殿下日躋盛德天

小畜集卷

二

吾研齋補鈔

縱多才忠孝克奉于君親謙讓動詢于師友寢門侍膳誕彰三至之勤望苑禮賢永作萬作之本應時納祐與國同休某叨列通班爰當亞歲無任抃躍

謝除右拾遺直史館啓

右某啓蒙恩特授前件官充職者位列諫垣職兼史氏雖聽已行之命難逃非據之言祇荷寵榮不任感懼恭以獻歲規於諫署必待正人彰善惡于史書宜歸直筆矧茲庸賤遽有忝塵伏念某門第本寒才華不秀鄉庠里塾從師而纔識姓名畫地書空力學而稍通經史明代方求于翹楚高堂漸逼于垂榆因持濫吹之筭來示藏家之箒雖春官與進荐叨隗始之名而明主求人果失盧前之望然而



紫庭擢第白屋知榮衡茆惹丹桂之香布素曳出藍之色  
里閭改觀親族生光洎邑佐絃歌任移銅墨廷評乃士官  
之屬不謂冗僚縣事則諸侯之權豈言下位甘隨常調敢  
歎徒勞固無易俗之能惟待黜幽之典豈期賤吏誤達宸  
聰把籬畔之菊花方多憔悴近階前之冀莢頓覺光輝而  
又召詣黃扉顯加明試深虞固負有負品題序賀雪之詩  
因多膚淺賦履冰之什愈見荒唐既有黷于宸嚴詎敢期  
于天獎方在端憂之際忽驚非次之恩芝函乍降于人寰  
棘寺驟歸于諫署職兼館殿地極清華通宵未息于征忪  
詰旦遽諧于告謝綠袍褫處休貽碧鶴之譏朱紱紆來但  
負維鵜之刺備忽忘而簡橫象齒耀摺紳而帶飾犀文荷  
玉澤之霑濡空驚決背對天顏之咫尺惟誓殺身夫何寒  
賤之久有此遭逢之事此皆相公尼丘借峻文曲生光數  
仞墻邊暗展鑄顏之力如椽筆下潛施與點之恩遂令清  
切之資光被孤平之士亦猶泝源為事遽邀列地之封鷄  
鷄呈災誤享鈞天之樂願藝行之無取荷生成之有歸得  
不慎守當官恪供其職况無遺之可述拾幸有瑞而必書  
編修出綽之言垂于信史撰著得賢之頌播在樂章少施  
染削之勞上答受知之地過此已往未知所裁

謝除左司諫知制誥啓

右某啓蒙恩特授前件官充職者位遷中諫職列西垣祗  
荷寵光不任感懼竊以伏青蒲而獻可合求補袞之才吟

紅藥以擣詞尤重演綸之地豈期庸賤玷此清華伏念某  
才非秀民世本寒族適會文明之運濫肩任進之流參常  
調以起家永甘縣吏寘周行而通籍俄在諫垣加以叨館  
殿之清資預校讎之美職以日繫月方期讀天下之書自  
適陟遐不意禁掌中之誥載循所自必有攸歸此皆相公  
文曲分光才江借潤遂使自天之命詎求批鳳之才列地  
而封翻及不龜之手得不更精文翰上答品題恪事一人  
少贖素餐之外虔遵四禁用疇黃閣之知過此以還未知  
所措卑情不任感恩榮懼終始知歸之至

謝除禮部員外郎知制誥啓

右啓某蒙恩特授前件官充職者卧錦握蘭忝名曹于南

小書集卷

手研齋補

省含香視草復舊職于曲垣祇荷寵光不任感懼伏念某  
性惟拙直族本單平達蓬天下之文明遂擬御前之科第  
雍熙中自百里被召拾遺立朝伏蒲昧五諫之名汗簡之  
三長之譽方虞官謗遂掌綸言書堯舜之典謨文非逮意  
廁淵雲之侍從路實妨賢歸田園而蓋戀盛時踐臺閣而  
頗為非據適後以執法無狀蒙恩黜官八六里之窮山得  
二車之散秩去歲量移善地甄叙通班貼文館以讎書奉  
皇華而按獄屬以高堂垂老懸罄屢空懇求郡國之權以  
就庭闈之養阮宣無食故拜官而不辭毛義有親方捧檄  
而私喜未遑布政忽忝歸朝十五日之專城焉知民瘼一  
千年之昌運荐辱君恩歷數前賢鮮茲盛事昔憲宗覽表

移韓愈于潮陽文帝經年負賈生于湘浦比斯遭遇可謂  
殊尤况帳爛錦窠塔翻藥樹爰循故事無此兼榮遠則和  
魯公已歷儀曹退居主客近則趙給事拜從起部改授小  
徑是何繼王兵部之清塵舉太祖朝之近例更直紫薇之  
署已覺忝塵絕曹玉筍之班併居清切感極而空成涕泗  
龍兢而在如夢魂青瑣窓開再見壺中之日月朱衣吏引  
猶疑澤畔之形容謬恩雖自于聖知公議終騰于衆口此  
盖相公洪鈞造物青律迴春用材而木屑無遺念舊而著  
簪靡弃遂使蒼苔入詠復預于詞臣死灰再燃無慚于獄  
吏敢不慎修儒行演暢皇猷庶憑翰墨之功少答陶鎔之  
力卑情

謝除翰林學士啓

右某啓伏奉制命特授守本官知制誥召入翰林充學士  
者祇荷寵光不任感懼伏以漢朝故事待詔甘泉之宮唐  
室舊儀召對浴堂之殿自非枚馬淵雲之述作常楊元白  
之才名則何以塞清問于論思潤皇猷于典誥豈宜孤陋  
遽此忝塵伏念某植學非深屬文無取濫中懸科之選尋  
叨通籍之班諫署拾遺謬謬無裨于聖主承明三入清華  
空類于昔賢頃因坐事以左遷固亦息心于榮路泊得歸  
朝之命遂求典郡之官去年召自琴臺再陞綸閣驟荷一  
人之寵遇果罹三歲之凶喪雖勉就于奪情實重違于素  
志願潘安之毛髮已有雪霜念季路之旨甘不如藜藿臨

文翰而方寸亂矣對播紳而面目何為想石初子之執喪  
空慚至行比歐陽通之起復尚欠禮文止期卜兆于松楸  
再請劾官于符竹豈意未諧私願俄辱殊恩翻令朽退之  
身亦預深嚴之地綸言乍降俾離紅藥之階宸翰高懸已  
踐玉堂之地哀榮交集寵辱堪驚副重華好問之心先憂  
學寡草武帝求賢之詔更愧才難通宵未息于戰兢舉步  
猶疑于魂夢此皆相公洪鈞造物青律迴春徵賈誼于謫  
官終成前席薦相如之視草幸得同時敢不四禁是遵三  
絨是誠况艱難備歷齒髮始衰用直道以事君雖無改變  
肆剛腸而疾惡漸亦銷磨庶寡悔尤少酬知己下情無任  
感戴兢榮始終知歸之至

小書集卷

六

吾研齋補錄

謝除刑部郎中知制誥啓

右某啓伏蒙聖恩特授前件職者一麾出守左遷方類于  
阮咸三入承明寓直忽同于應璉祗膺寵命伏積兢榮竊  
念某猥以腐儒受知先帝踐揚兩制出處九年自知賦命  
之多奇每愧浮口之過實軍容捧硯敢望輝榮力士抹靴  
遽騰于謗議而自臨民淦上移任淮南飾厨傳以屢空勾  
簿書而弗逮受蓬宣室重求前席之期燒藥鼎湖忽起攀  
髯之念心灰自死淚血無從屬當明主之承乾尚代藩臣  
而守土尋以拜章言事解印歸京覩七月之園陵魂銷弓  
劍隨百官而朝謁目斷雲天放懷書史之間結舌搢紳之  
內皂囊無取慚越職于伏蒲白首為郎甘息心于執戟雖

知止足猶阻歸休欲耕季子之田園曾無二頃謀葬劉鍾  
之親屬何啻十喪終為懷祿之人蓋逼有身之患豈謂內  
庭論薦黃閣僉諧迴天眷之新恩復王言之舊任堦前藥  
樹重吟謝客之詩觀裏桃花免動劉郎之慕詠此皆某官  
激揚公議啓迪宸聰洪鈞豈有于弃材化筆潛徵于故事  
謂李杓直翰林退職復踐掖垣白居易禁署出官終知制  
誥享茲殊事實越昔賢驅瓜上之青蠅雖非由徑之夢中  
之白鳳深愧演綸敢不考三代兩漢之典章取貞元長慶  
之風格或少窺于邊徼庶上答于陶鎔卑情無任感恩荷  
德激切知歸之至

上宰相謝免判吏部南曹啓

小書集卷

吾研齋補鈔

右某啓奉今日日勅差判吏部南曹尋蒙抽取元勅者伏  
以演綸西掖乃王者之詞臣按吏南曹本天官之下士遽  
蒙改易深荷陶鎔伏念某比乏時才濫塵清列蒼苔紅藥  
但遵四禁之文理劇劓繁久絕五花之判便于散拙樂在  
清閑忽奉遣差頗增憂畏固非耻于卑賤蓋亦事有彛倫  
且念判曹之名起于總章之後罷貲外轉廳之事為尚書  
役屬之司勾群吏之稽違奉三銓之指顧顯為統攝自有  
禮容豈可職銜帶制誥之文公狀具尊卑之數雖知不便  
未敢固辭豈謂相公曲為敷揚俾諧停寢全臺閣之故事  
實亦公行荷廟廊之殊知且非私謁永懷感遇空極兢榮

迴寇密直謝官啓

右某啓伏以應星辰而虞山澤華省名郎直宥密而預機  
宜黃樞近職兼茲重柄允屬鉅賢學士學植凌雲詞源沃  
日澤宮中的科名先繼于箕裘諫署曳裾章疏獨推于蹇  
諤縱橫時務輝映士林佐理計司解九牛而又穎直言便  
殿折五鹿以詞雄故得峻陟中臺榮升密地稱天心之則  
哲動時論于得人而又南面聽朝特頒金紫東銓求理專  
委品題佇從三節之榮便叙九功之業某幸叨知獎方切  
依棲自草芝泥最先栢葉悅豈謂學士曲迴謙柄俯賜華  
牋日窺星斗之文章身負刺芒之休惕欽隆感戴藪集所  
懷卑情不任

謝僕射相公求致仕啓

小書集卷

八

吾研齋補鈔

右某啓伏以懸車告老大夫七十之期名遂退身老氏五  
千之說其或當尚齒尊賢之代有經邦鎮俗之才雖在期  
頤式存倚注縱止足之心自許執禮無違奈弼諧之任惟  
艱非賢不乂伏惟僕射相公受天和氣為國善人三朝文  
翰之司丹青帝典再領燮調之任提振皇綱昨以久處台  
司重煩耆德事均勞逸輟萬務之憂勤位保崇高為百僚  
之師長永言端揆之任舊稱廊廟之官垂行三入之恩求  
贊千年之運豈謂浮雲富貴脫屣簪裾拜章旣達于冕旒  
洒翰徧貽于臺閣是何末品亦辱台函初謂誤傳終知殊  
賜兢惶無措拜受失容見大儒之用心循先聖之彛訓不  
獨辭于世祿亦將激彼時風然而上揣宸心旁徇公議咸

謂老成之德宜居輔弼之先捕虎逐麋雖鬪熊之已暮為霖作礪非傳說以何歸况鍾洪範之康寧宜念蒼生之窮困竚覩白麻天降但追振鷺之班黃閣開洞重見棲雞之樹社稷之謀是展君臣之分弥隆與邦國以同休書簡編而增耀斯為善頌且匪虛談下情無任

迴司空相公謝官啓

右某啓伏以引年納祿達人知進退之宜養老優賢王者得始終之道君臣之義今古同風伏惟司空相公受天至知為國重器皇墳帝墳咸歸潤色之功禹畫堯封盡被陶鎔之力位崇百揆年俯七旬宸心方倚于老成達識遽辭于榮祿聖人上遂其願養峻以階資鳳皇之池暫虛于舊

位鴈鳩之秩聊示以新恩解簪紱以如遺指林泉而自樂功成名遂早知身退之机漏盡鍾鳴堪笑夜行之者然而四海有具瞻之任三公非致政之官激浮躁之風式旌素節委弼諧之任終復黃扉凡在搢紳皆傾禱頌猥蒙鈞造先賜台函仰欽止足之規弥荷謙尊之德卑情無任

迴孫何謝祕書丞直史館京西轉運副使啓

右某啓伏以列中祕圖書之府貳外司漕運之權惟是才難允歸公議學士文同三代名剋四科擅場早達于天聰獨行不隨于時態輕駕侯之雜伯浪取帝師慕孟子之著書力談王道暫倅坐棠之政尋升汗簡之資閨籍通班式耀獲麟之筆轉輸劇務更觀流馬之功方切欣怡忽承緘

翰備認謙冲之旨彌增銘荷之誠衣錦畫行雖勞于按部  
演綸夜直願効于前驅謹奉啓

薦戚綸上翰林學士錢若水啓

右某啓某有進士同年戚綸者負文章器識純謹君子也  
其先君通五經教授于濰陽終身不求聞達兄維國初登  
進士上第有文有行守道不拘游宦三十餘年今為殿中  
丞綸擢第亦一紀矣歷主簿縣尹得大理評事光祿丞司  
權酷于醮郡非其樂也向因讞獄寃丘坐繫烏府廷尉議  
罪聽以贖論既釋之矣或以前罰未塞又奪其官今會赦  
文合從叙用寓止佛寺出無車馬冒犯風雪袖文相過有  
理道評十二篇味之非空言也然而辭直意切急于救時

若無知心亦恐騰口以為失路而造謗也尊道之士其將  
捨諸恭惟學士才與位并道與時會力開賢路之梗手藥  
聖域之基搢紳類：有所仰賴某罪在擯弃恩出推挽未  
能報德尚復言人蓋非學士之門不敢失綸之言賈綸之  
數也語曰善人在患飯不及餐區：之心實愧斯義謹修  
啓事并封綸所著凡若干凡閱視草之暇賜觀覽則綸也  
幸甚謹

迴尹黃裳啓

右某啓伏以諫垣清秩綴螭頭侍從之班史氏設官修麟  
筆不刊之典享茲清切允屬英翹正言學士學富百家文  
窮三變挂籍先鳴而擅譽栢臺持憲以生風近者金闕獻



書召試王褒之頌石渠載筆更伸班固之才凡在立朝共  
欣得儁猥蒙殊念特示長牋載窺彪炳之文益認謙冲之  
旨欽隆佩服併集所懷謹修啓事陳謝

王黃州小畜集卷第二十五

小畜集卷

十一

書研齋補鈔

王黃州小畜集卷第二十六

擬賦內制五題凡四副

鄉老獻賢能書賦

宮漏出花遲詩

雲州節度使加使相麻

搜訪唐末已來忠臣子孫詔

正郎告老可太常少卿致仕制

黃屋非堯心賦

春晚綠野秀詩

放五坊鷹犬詔

批答處士陳搏乞還舊山

小畜集卷

一

吾研齋補鈔

日月光天德賦

四時和為玉燭詩

授節度使兼中書令西京留守麻

除右拾遺諸王府記室參軍

乞遣上節度使入覲批答

崆峒山問道賦

五老化流星詩

授節度使左金吾衛上將軍制

誠諸王詔

賜漢南國王生辰金銀器

鄉老獻能書賦

鄉老之薦  
登彼天府

古者選于里舉于鄉考德行而賓之以禮典賢能而獻之于王是故鄉老之薦不濫貢士之道有光豈不以教至教合要道察之于鄉黨升之于俊造合議于衆寡定謀于耆老非賢不舉在百行之孔修唯善是從非一鄉之皆好區以別矣尊而寵之察道藝而斯茂表公共而減私予以振鄉大夫之職予以行鄉飲酒之儀厥時徹饌拜書以薦遂使乎賢者能者靡至于自媒自衛自才見舉固于我以何求在邦必詢所欲人之知勸既而有祿斯膺有位斯登嘉黃髮之上獻匪玄纁之下徵拜而受所以知樂善尊老義而舉所以見推賢讓能其進也若石之投水其類用也類木之從繩然後安律之風不起激勸之道自彼咸謂乎爾

小書集卷

二

吾研齋補鈔

公爾侯亦在乎我鄉我里學優則仕豈患人之弗知沒世不稱唯曰士之深恥故得朝有多士野無遺賢以此取人道合于遠古以此治世功侔乎上天乃鄉舉里選之謂信朝行夕黜者焉我國家茂育羣材躋攀太古任賢克舉二八闡化自齊于三五小臣待詔向金門願詣公車之府

宮漏出花遲詩

丹禁遲：漏深宮灼：花繁枝開正滿清韻出何餘靜拂紅英密微穿翠葉斜依稀驚宿蝶冷落動晨鷄細逐香離檻輕翻露滴沙願當直仙署鈴索共交加

雲州節度使加使相麻

門下臨戎閫外伏金鉞以專征定策幄中升玉堂而論道

眷惟重柄實在全才向匪得人固無虛授其有威稜却敵  
勇毅安邊式旌善戰之功別舉疇庸之典乃求吉日特舉  
徽章具官某劔恥一人城長里稟氣而全鍾太白論兵而  
自著金韜爰自作翰雲中威行塞外倬彼廉頗之勇略居  
然魏尚之英風念勞而閣列丹青已圖奇表効節而門開  
朱白屢奏邊功宜升調鼎之資俾耀築臺之貴雖匈奴畏  
憚已知域外之雷霆而黔首焦熬更作人間之霖雨詎云  
優異姑示甄酬於戲位極人臣榮兼將相勿期驕而伐善  
宜盡瘁于匪躬永保崇高何煩訓勵可依前件

搜訪唐末已來忠臣子孫詔

勅皇王之典道在賞延公侯之家義聞必復漢帝想二臣  
之壠爰求近親元和念五代之孫詔還故宅朕祇膺駿命  
景慕前王慮忠孝之臣僚有替陵之苗裔將行激勸宜示  
甄收應唐末已來梁朝而下或直言于昏主奮不顧身或  
立事于亂邦見危致命名姓雖存于青史子孫已混于白  
丁流落閭閻湮沉門閭量器能之可用委長吏以上言庶  
遵有後之文更勵為臣之節人或因冒國有刑章凡在守  
臣副台深旨

正郎告老可太常少卿致仕制

勅具官某卧錦為郎懸車告老特舉賢優之典用旌知止  
之心清資俾貳于奉裳白首免嗟于郎署恩榮所及汝其  
佩之可依前件

黃屋非堯心賦黃屋車貴非帝堯意

惟彼陶唐憂民道光處黃屋之非貴慮黔黎之弗康忘彼  
乘輿示一人之勤儉思乎稼穡見百姓之平章不然又安  
能禪位于大舜比崇于軒黃者哉豈不以天生蒸民樹之  
司牧方誕敷于文德匪留心于華轂善行無迹我則期同  
軌于萬方覆轍在前我則致可封于比屋蓋以樂為御德  
為車欲躋民于仁壽將納國于華胥苟兆民之困矣雖萬  
乘以馬如憂勞于四海九州未臻富庶願盼而鷹旗鳳蓋  
終類蓬蔞有以見上德為心下民可畏唯惇獨以是念匪  
崇高兮自貴遂使麟之響莫達于四聰慄之之心常咨  
于庶彙自然我躬以瘠我民以肥但慮一夫而惕之馬知

小書集卷

四

吾研齋補錄

四牡之駢足可使域中之御朽乘乾因茲而取則天下  
之車轍馬迹由是而知非所以道冠百王功齊五帝焦勞  
之德固怠濬哲之風靡替耕田鑿井固何有於萬民神智  
天仁自流芳于百世今我后功邁伯禹心侔十堯處越蓆  
而古風斯振設土階而儉德弥昭御六馬以兢之常思罪  
已通八蠻而穆之尚戒宣驕故得洪業弥芳玄穹降瑞念  
蒼生而唯恐無告乘金輅而未嘗介意小臣待詔于公車  
願比伊耆之故事

春晚綠野秀詩

雨過川原上凝眸送晚春韶光銷欲盡野色望來新天末  
迷藍嶂江湄乳麴塵垂揚難認影幽鷺莫藏身遠接天邊

幕晴和草展茵明時四郊靜凌亂踏青人

授六尚書節度使麻

門下國之喉舌尚書實總于六曹王之爪牙連帥出參于十乘在昔唯求于藩屏我朝復藉于循良自非文武之全才莫預邦家之慎選其有本由儒雅兼著韜鈴卻縠之禮樂詩書義之府也仲尼之俎豆軍旅兼而有之宜分經國之材各受殿邦之寄爰頒寵命式表殊恩具官某等或天賦器能或時推謇諤揚歷盡試難之任周旋居求理之朝騰驥而龍駕乾綱俱呈步驟雍穆而鳳吹律本共洽和平暫留調鼎之恩先授登壇之柄進賢冠而納言幘已峻朝端仗黃鉞而擁白旄更光儒道仍加食菜式重分茅於戲名器不可以假人是予所慎富貴弗期而驕至在爾孰思勉承出將之榮勿辱知臣之鑒往踐厥位欽哉勗哉可依前件

放五坊鷹犬詔

勅王者狩必以時除災害於黎庶射而登俎表孝薦于祖宗過此以還盡為非禮朕祗膺大寶弗敢盤遊爰自國初因其舊制五坊設畋獵之備四海貢鷹犬之儔雖則存而勿論未如不作無益况又青散黃耳耗民用以居多雨血風毛匪朕心之所欲宜從式釋放式表憂勤應五坊鷹犬等並委本坊使即時放散所有狗犬人願收養為警備者亦聽仍勅天下今後不得更進鷹犬庶使發狂之言遐遵

于老氏外荒之戒無愧于古書亦所以見朕惠及于飛走也告布中外稱朕意焉

批答處士陳搏乞還舊山表

所上表事具悉昔者帝堯臨于大寶許由稱之外臣雖居萬乘之尊不屈匹夫之志想彼貞節朕常嘉焉卿不仕王公多歷年歲雅有神仙之態蔚為高尚之人爰自近年屢云請見雖玉堂金闕暫喜于來朝岫幌雲關遽求于歸隱可認不羈之行用全獨善之心披閱奏章良多嘉尚所請宜依

日月光天賦德

陽景陰魄光彼天德

日月焜煌麗乎天兮秉陽既垂光于率土實耀德于穹蒼

小書集卷

六

吾研齋補鈔

配行健之功：深煦育叶無私之道：契皇王是何鑿混沌之精挂羲舒之影循環分晝夜之度盈縮通歲時之景重輪重珥為當代之休祥行疾行遲是何人之馳騁但見乎來徃天心舒陽慘陰浴咸池而杲：逗斜漢以沉：仰之弥高自可侔于聖德無幽不燭固取象于君臨藹：晨曦亭：夜魄覆盆雖隔于照燭圓蓋實資于輝赫運行不息四時于是乎成功遐邇具瞻九土以之而光宅觀其日之始也升若木拂扶桑光天德兮臨八荒龍吐焰而氛霾蕩盡烏騰晶而魑魅潛藏于以瑞呈五色于以明列三光月之始也出金天突瑤水光天德兮照千里兔奔而桂影時搖蟾躍而露華輕委于以輟碧落而皎兮于以掩繁星

而嘽彼厥象昭然斯為得天附高明而能以蘓物彙以無偏行中道而矐矐幾彰聖代逐左旋而出沒暗送流年我國家道契貞明功齊剛克修五紀以叶用照萬邦而取則夫如是叔寶之徒宜咏歌于帝德

四時和為玉燭詩

堯舜欽天日羲和正曆時銅渾列辰象玉燭照華夷真宰潜能秉飛廉詎可吹祥光長赫矣佳號得溫其嚼處非龍首燃來豈鳳脂皇明方比盛鑑物自無私

授節度使兼中書令西京留守麻

門下周官重八柄之權掌之者方為崇顯洛食啓二都之地分之者必在勲賢其有族茂山西功高天下畫像早圖

小畜集卷

七

吾研齋補鈔

于麟閣分茅繼擁于龍旌將酬征伐之勞宜委居筭之地具官某名標鐵券勇號翅人英雄而夜拜長星力扶輿運慷慨而自稱大將誓立殊功爰膺推轂之榮累荷殿邦之寄開白門而効死已靜邊烽按黑稍以揚威克申戎律加以師貞之外理本尤精得士心而料敵無遺求民瘼而所在稱理輯瑞而無違覲禮獻琛而頗見勤王尊周之大業弥隆分陝之重權斯委仍相加右相式重大臣於戲舜號納言周稱內史極爾人臣之位表予京邑之雄勉伸夾輔之勞無忝崇高之命可依前件

除右拾遺諸王府記室叅軍

勅朕藩屏家邦封崇子弟凡于王府必擇時才以爾具官



某文行素高才識兼茂俾為記室仍列諫垣庶令謇々之  
臣體我親々之旨曳裾載筆爾其勉之可依前件

允邊上節度使入覲批答

勅其所上表事具悉卿心懸就日役在防秋屢拜封章堅  
求朝謁載叙雲龍之會請離雞鹿之閑况聞刁斗無聲烽  
煙罷警足可別雲中之巨鎮歸日下之長安慰予驚領之  
思遂爾雁門之懇覽奏嘉尚再三不忘所請宜依

崆峒山問道賦

黃帝之道  
天下清淨

愚嘗歷覽皇王嘉崆峒之所請見軒轅之道光咨有德之  
人所謂乎不耻下問求無為之理寧辭乎陟彼高崗故得  
化臻于冲寂功格于玄黃者也原其雲紀設官弦弧立制

小書集卷

八

吾研齋補鈔

蚩尤俯伏以聽命風后周旋而佐帝尚慮其至化未敷群  
生未濟乃訪道于名山欲坐忘于浮世既而金根玉輅鳳  
蓋鸞旗萬乘以之順動千官以之悅隨謁帝者之師吾將  
學矣庶聖人之道可得聞之于是陳稽首之儀揖龐眉之  
老方初筮以則告俄一言而悟道何思何慮靡煩手以乘  
乾不識不知自垂衣于大寶喪天下于忽焉得環中于自  
然既絕聖以棄智但牧民而御天姑射神山只在廟堂之  
上華胥舊國不離樽俎之前徒觀其御彼六龍齊乎一馬  
尚恭默之至道闡希夷之大化國風穆若克清壽域之中  
物態熙然盡到春臺之下故得黜彼聰明端居穆清罔象  
之珠有耀出虛之樂無聲豈比夫舜舉八元方為求理堯

咨四子而後化成者哉我國家尚黃老之虛無削申商之法  
令坐黃屋以無事降玄纁而外聘有以見萬國之風咸  
歸乎清淨

五老化流星詩

五老知符命皤然共効靈遊河方告瑞入昴忽為星接武  
傳歌詠翻身上杳冥來同聚并數去作種榆形鶴髮光難  
認龍圖兆可聽至今依列宿高印遠天青

授節度使左金吾衛上將軍制

門下王者建侯行師取諸易象體國經野法彼天文外則  
藩垣有伏鉞之權內則羽衛重執金之柄向非勲舊固與  
僉諧其有盡節皇家策功清廟陟師壇而且久提禁旅以

攸直亦既得人乃頒成命具官某將門襲慶武曲儲精曹  
景宗箭發餓鴟百里嵩世稱連虎當年誓志一萬戶之侯  
封絕塞立功五十營之兵事考勲庸而進律分茅土以殿  
邦克彰作翰之勞靡怠獻琛之禮一昨傾心象魏述職京  
師載成魚水之懽宜授瓜牙之任爾其戒嚴黃道警肅紫  
垣致高枕于宸居是予繫賴法鈞陳于環衛在汝恪恭於  
獻戲以上將之雄兼仕宦之重世祖微時而健羨趙才沒  
世以垂名勉繼前賢勿替休命可依前件

誠諸王詔

勅朕聞五帝官天下而禪讓于賢三王家天下而封樹其  
子德已薄矣可不慎乎爾等生帝王之家承祖宗之慶各

踐王位且無軍功不知稼穡之艱難但受崇高之富貴宜循禮法勿紊典彝凡爾所為必思有益朝謁之暇友悌為娛以德以年雍、穆、汝或不子予敢獨親勉行忠孝之風勿貽家國之念佩服丕訓無或忽諸

賜漢南國王生辰金銀器鞍馬詔

勅漢南國王星辰垂慶邦國有光咎陶感雲虎之祥克符帝舜中甫降嶽神之質爰佐姬周誕靈既在于茲晨錫命宜遵于異數蓋松柏後凋之萼表君臣道合之恩與國同休予所願也可賜卿金銀器物鞍馬等具如別錄

王黃州小畜集卷第二十六



